

四庫全書

史部

欽定四庫全書

史部
尚史卷三十五至
七

少詹事_臣曹城覆勘

總校官檢討_臣何思鈞

欽定四庫全書

尚史卷五十五

列傳十三

鑲白旗漢軍李錯撰

齊諸臣傳

高倬

高莊子附

高固

宣子

高無咎

子弱附

高厚

高止

子暨高
卿附

高偃

高張

昭子

高倬者齊上卿高敬仲也

杜建國子高子天
子所命為守臣

桓公十四

年

莊二十二年

倬及魯人盟於防

傳

二十六年

閔二年

魯有哀姜慶父之亂二君殺死

謂子般與閔公

國絕無嗣桓公使侯存之立僖公

國語左傳閔二年高子來盟是也

侯子曰高莊子

名未詳

高固者齊卿高宣子也惠公五年

宣五年魯

宣公如齊高固使齊侯止公請叔姬焉秋九月固往逆女冬反

馬于魯

禮逆女留其送馬三月廟見遣使反馬

頃公五年

宣五年

固會魯仲孫蔑

于無婁七年

宣七年

晉使卻克徵會于我卻克跛適頃公母

觀之笑于房卻克怒公使固及晏弱蔡朝南郭偃會及欽

孟固逃歸晉于是執三子尋緩之逸十年

成二年

晉及魯

衛伐我從我師于莘六月至于靡笄之下固入晉師桀
石以投人禽之而乘其車繫桑本焉曰欲勇者賈余餘
勇明日戰於韋我師敗績固卒諡曰宣子二無咎厚無
咎嗣卿事靈公靈公六年成十五年無咎及諸侯之大夫會
吳於鍾離七年成十六年晉楚戰於鄢陵無咎及國佐以兵
會晉師初慶克通於聲孟子靈公母八年成十七年國佐相靈
公會伐鄭無咎及鮑牽處守及還將至閉門而索客孟
子訴之曰高鮑將不納君秋七月則鮑牽而逐無咎無

咎奔莒其子弱以盧叛十二月盧降盧高氏邑也無咎

既逐厚嗣高氏靈公十五年

襄六年

我滅萊遷萊于邠厚及崔

杼定其田十七年

襄八年

厚及諸侯之大夫會於邢邱十

九年

襄十年

會吳於柤厚相大子光先會諸侯於鍾離二

十五年

襄十六年

晉侯與諸侯宴于溫使諸大夫舞曰歌詩

必類厚之詩不類荀偃怒使諸大夫盟厚厚逃歸二十

六年

襄十七年

公伐魯圍桃厚圍滅紇于防魯師逆滅紇歸

我師去之獲滅堅二十八年

襄十九年

公東遷大子光而立

公子牙使厚及夙沙衛傅之公疾崔杼微逆光而立之

五月靈公薨莊公

即公
子光

即位夙沙衛以高唐叛秋八月

崔杼殺厚於灑藍而兼其室子高止字子容為大夫事

景公景公四年

襄二十
九年

止會諸侯之大夫城杞秋九月

公孫薑公孫竈放止於北燕止好以事自為功且專故

難及之止子豎以盧叛十月閭邱嬰圍盧豎曰苟使高

氏有後請致邑齊立僕之曾孫鄭豎乃致盧而出奔晉

晉人城絳而寘旃

左傳

高偃僊玄孫為大夫事景公景公十八年

昭二年偃帥師

納北燕伯欵於陽偃卒子高張是為高昭子景公三十

五年

昭二十九年

魯昭公處於郚公使張唁之三十八年

昭三年

十二年

張會諸侯之大夫於狄泉尋盟且城成周明年張

後期不從諸侯四十六年

定八年

張及國夏帥師伐魯西

鄙五十八年

哀五年

公疾使張及國夏立子荼寘羣公子

於萊秋九月公卒子荼立羣公子出奔悼公元年

哀六年

陳乞鮑牧及諸大夫以甲入於公宮攻高國張聞之與

國夏乘如公戰於莊六執敗國人追之國夏及張奔魯

秋七月陳乞遂弑荼而立公子陽生張卒謚曰昭左傳

國歸父

莊子

國佐

武子

國勝附

國弱

景子

國夏

惠子

國書 國懿伯 貞孟 成伯高父 國昭子

國歸父者齊上卿國莊子也事昭公昭公二年僖二十九年

歸父會王子虎及諸侯之大夫盟於翟泉六年僖三十三年

歸父聘於魯自郊勞至於贈賄禮成而加之以敏臧孫

辰曰國子為政齊猶有禮勸魯侯來朝卒謚曰莊子佐

嗣佐是為國武子賓媚人也惠公十年

宣十年

公薨崔杼

有寵於公佐及高固畏其偪而逐之冬佐報聘於魯頃

公十年

成二年

晉卻克會師伐我戰於鞏我師敗績晉師

入自邱輿擊馬徑公使佐賂以紀甌玉磬與地不可則

聽客之所為

客謂晉也

佐致賂晉人不可曰必以蕭同叔子

同叔蕭君之字齊侯外祖父難斥言其母故遠言之

為質而使齊之封內盡東其

畝對曰蕭同叔子非他寡君之母也若以匹敵則亦晉

君之母也吾子布大命於諸侯而曰必質其母以為信

其若王命何且是以不孝令也詩曰孝子不匱永錫爾
類若以不孝令於諸侯其無乃非德類也乎先王疆理
天下物土之宜而布其利故詩曰我疆我理南東其畝
今吾子疆理諸侯而曰盡東其畝而已唯吾子戎車是
利無顧土宜其無乃非先王之命也乎反先王則不義
何以為盟主其晉實有闕四王之王也禹湯文武樹德而濟
同欲焉五伯之霸也杜注夏伯昆吾商伯大彭豳韋周
伯齊桓晉文一曰齊桓晉文宋襄
秦穆楚莊勤而撫之以後王命今吾子求合諸侯以逞無疆

之欲詩曰布政優優百祿是道子實不優而棄百祿諸侯何害焉不然寡君之命使臣則有辭矣曰子以君師辱於敝邑不腆敝賦以犒從者畏君之震師徒撓敗吾子惠徼齊國之福不泯其社稷使繼舊好惟是先君之敝器土地不敢愛子又不許請收合餘燼背城借一敝邑之幸亦云從也況其不幸敢不惟命是聽晉人許之佐及晉師盟於爰婁靈公六年成十五年佐及諸侯同盟於戚七年成十六年秋佐會周尹子及諸侯伐鄭慶克通於聲

孟子

靈公母

鮑牽以告佐佐召慶克而謂之克告夫人曰

國子謫我夫人怒明年諸侯伐鄭佐相公以會高無咎

鮑牽處守孟子訴之曰高鮑將不納君而立公子角

頃公

子國子知之遂則鮑牽而逐高無咎無咎奔莒其子高

弱以盧叛公使崔杼慶克帥師圍盧佐適從諸侯圍鄭

以難請而歸遂如盧師殺慶克以穀叛公與之盟於齊

闕而復之十二月盧降使佐子勝告難於晉待命於清

九年成十為慶氏之難故公使士華免以戈殺佐于內

宮之朝師逃於夫人之宮使清人殺國勝勝弟弱奔魯

既而反弱使嗣國氏謚佐曰武弱是為國景子景公元

年

襄二十六年

衛獻公伐孫氏復入於衛晉討衛執衛侯公

為衛故如晉弱相使晏嬰私於羊舌肸曰晉

君宣其明德於諸侯恤其患而補其闕正其違而治其

煩所以為盟主也今為臣執君若之何羊肸以告晉侯

乃許歸衛侯七年

昭元年

弱會諸侯之大夫于虢十六年

年

昭十弱如晉葬平公十七年

昭十一年

弱會諸侯之大夫于

厥慙左傳

弱卒謚曰景

國夏者佐之孫惠子也亦逮事景公景公四十二年

定四年

年夏會王臣劉子及諸侯於召陵侵楚四十五年

定七年

夏帥師伐魯西鄙四十六年

定八年

夏及高張再伐魯荀

寅士吉射叛晉五十六年

哀三年

夏帥師圍戚救荀寅五

十七年

哀四年

夏伐晉取邢任欒鄫逆時陰人孟壺口會

鮮虞納荀寅于栢人五十八年

哀五年

公疾使夏及高張

立子荼寔羣公子於萊秋九月公薨子荼立明年陳乞

鮑牧及諸大夫以甲攻高國夏奔莒遂及高張晏圉

晏嬰

子弦施

即弦多

奔魯陳乞遂殺子荼而立悼公

左傳

夏卒諡曰惠

國書者亦齊卿悼公五年

哀十年

吳會魯伐我南鄙師于

鄆我弑悼公赴于師吳師乃還明年我為鄆故書及高

無平帥師伐魯及清戰於郊魯右師奔左師入我軍五

月魯會吳伐我克博至於嬴書將中軍高無平將上軍

宗樓

字子陽

將下軍以禦之戰于艾陵吳敗高無平書敗

吳胥門巢吳卒助之大敗我師獲書及公孫夏閭邱明

陳書東郭書革車八百乘甲首三千以獻于魯魯公使

大史固歸書之元寘之新篋製之以玄纁加組帶焉寘

書于其上曰天若不識不衷何以使下國

左傳

書子觀國氏又有懿伯懿伯生貞孟貞孟生成伯高父

所謂成子高也

世本

成子高寢疾慶遺入請曰子之病革矣如至于大病則

如之何子高曰吾聞之也生有益於人死不害於人吾
縱生無益於人吾可以死害於人乎哉我死則擇不食
之地而葬我焉又曰葬也者藏也藏也者欲人之弗得
見也是故衣足以飾身棺周於衣槨周於棺土周於槨
反壤樹之哉又有國昭子

名系未詳蓋國書之後

國昭子之母死

問於子張曰葬及墓男子婦人安位子張曰司徒敬子

之喪夫子

孔子

相男子西鄉婦人東鄉曰噫母曰我喪也

斯沾

斯盡也沾覘視也謂有事人盡視之

爾專之賓為賓焉主為主焉婦

人從男子皆西鄉

記檀弓

論曰高國天子之命卿宜以禮幹國而徇欲比私易寔適庶亂天紀墜姜業推挽之道顧若是與國佐顯責慶克不可謂智嚴其防速其罰內事隱正之可也墻茨不掃而手接之宜其及也

鮑叔牙

鮑牽

莊子

鮑國

文子

鮑叔牙者似姓之後鮑敬叔之子也為齊大夫傳公子小白

管子齊襄公使鮑叔傅小白鮑叔辭稱疾不出管仲
與召忽往見之曰何故不出鮑叔曰先人有言曰知
子莫若父知臣莫若君今君知臣不肖也是以使賤
臣傅小白也賤臣知棄矣召忽曰子固辭無出吾權
任子以死亡必免子鮑叔曰子如是不免之有乎
管仲曰不可持社稷宗廟者不讓事不廣閒將有國
者未可知也子其出乎召忽曰不可吾三人者之于
齊國也譬鼎之有足也去一焉則必不立矣吾觀小

白必不為後矣管仲曰不然夫國人憎紂之母以及
紂之身而憐小白之無母也諸兒長而賤事未可知
也夫定齊國者非此二公子將無已也小白之為人
無小智惕而有大慮非夷吾莫容小白天不幸降禍
于齊紂雖得立事將不濟非子定社稷其將誰也召
忽曰百歲之後吾君卜世祀吾君命而廢吾所立奪
吾紂也雖得天下吾不生也況與我齊國之政也受
君令而不改奉所立而不濟是吾義也管仲曰夷吾

之為君臣也將承君命奉社稷以持宗廟豈死一紂哉鮑叔曰然則奈何管子曰子出奉令則可鮑叔乃出遂傳小白。按管仲論小白與射鉤事不合姑附之

初襄公立無常叔牙曰君使民慢亂將作矣奉小白出奔莒襄公十二年

莊八年

公孫無知弑襄公管夷吾召忽

奉公子糾奔魯明年雍廩

齊大夫

殺無知魯伐我納子糾

小白自莒先入遂立是為桓公

左傳

管子襄公薨公子糾踐位國人名小白鮑叔曰胡不行矣小白曰不可夫管仲知名忽彊武雖國人名我我猶不得入也鮑叔曰管仲得行其知于國國何謂亂乎召忽彊武豈能獨圖我哉小白曰夫雖不得行其知豈且不有焉乎召忽雖不得衆其及豈不足以圖我哉鮑叔曰夫國之亂也智人不得作內事朋友不能相合膠而國乃可圖也乃命車駕鮑叔御小白乘而出於莒小白曰夫二人者奉君令吾不可以試

也乃將下鮑叔履其足曰事之濟也在此時事若不濟老臣死之公子猶之免也乃行至于邑郊鮑叔令車二十乘先十乘後乃告小白曰夫國之疑二三子莫忍老臣事之未濟也老臣是以塞道鮑叔乃誓曰事之濟也聽我令事之不濟也免公子者為上死者為下吾以五乘之實距路鮑叔乃為前驅遂入國遂公子糾管仲射小白中鉤與公子糾召忽遂走魯桓公踐位魯伐齊納公子糾而不能。子糾踐位而後

奔魯說亦異

公使叔牙為宰辭曰臣君之庸臣也君加惠于臣使不凍餒則是君之賜也若必治國家者則非臣之所能也則管夷吾乎臣不若夷吾者五寬惠柔民弗若也治國家不失其柄弗若也忠信可結於百姓弗若也制禮義可法於四方弗若也執枹鼓立于軍門使百姓加勇焉弗若也公曰管夷吾射寡人中鉤是以濱于死對曰夫為其君動也君若宥而反之夫猶是也使人請諸魯曰

寡君有不令之臣在君之國欲以戮於羣臣故請之則予我矣公使請諸魯如叔牙之言魯束縛以予使者使者受而以退比至三蒙三浴之公親逆之

國語

韓非子管仲鮑叔相謂曰君亂甚矣必失國齊之諸公子可輔者非公子糾則小白也與子人事一人焉先達者相收管仲從公子糾鮑叔從小白人果殺君小白先入為君魯人拘管仲而效之鮑叔言而相之

公嘗與管仲甯戚叔牙飲飲酣公謂叔牙曰盍不起為寡人壽乎叔牙奉杯而起曰使公毋忘如莒也使管子毋忘束縛在魯也使甯戚毋忘飯牛車下也公辟席再拜曰寡人與二大夫能無忘夫子之言社稷必不危矣

管子尸
子作甯戚

叔牙既進管夷吾以身下之子孫世祿于齊有封邑十餘世常為名大夫天下不多管仲之賢而多叔牙之能知人也記
韓非子晉人伐邢桓公將救之鮑叔曰太蚤邢不亡

晉不敝齊不重且夫持危之功不如存亡之德大君
不如晚救之以敝晉齊實利邢亡而復存之名實美
桓公乃弗救說苑桓公謂鮑叔曰寡人欲鑄大鍾昭
寡人之名焉寡人之行豈避堯舜哉鮑叔曰敢問君
之行公曰昔者吾圍譚三年得而不自與者仁也北
伐孤竹剗令支而反者武也為葵邱之會以偃天下
之兵者文也諸侯抱美玉而朝者九國寡人不受者
義也寡人之行豈避堯舜哉鮑叔曰君直言臣直對

昔者公子糾在上位而不讓非仁也背太公之言而
侵魯非義也壇場之上詘於一劍非武也姪婦不離
懷衽非文也凡為不善遍於物不自知者無天禍必
有人害天處甚高其聽甚下除君過言天且聞之公曰
寡人有過乎子不幸教幾有大罪以辱社稷。按救
邢鑄鍾說皆野

鮑牽者叔牙曾孫鮑莊子也慶克通於聲孟子

靈公母與

婦人蒙衣乘輦而入於閔牽見之以告國佐佐召慶克

而謂之慶克告孟子孟子怒靈公八年

成十年

國佐相公

會諸侯牽及高無咎處守及還將至閉門而索客孟子

訴之曰高鮑將不納君而立公子角

頃公

國子知之秋

七月則鮑牽而逐高無咎仲尼曰鮑莊子之知不如葵

葵猶能衛其足卒謚曰莊鮑國者牽之弟文子也初為

魯施孝叔臣相施氏忠鮑牽既刖召于魯而立之景公

十六年

昭十年

樂施高彊皆耆酒有告陳無宇曰子旗子

良

即樂高

將攻陳鮑亦告鮑氏陳鮑方睦遂伐樂高氏三

戰皆敗之樂施高彊奔魯陳鮑分其室四十七年

定九年

魯陽虎以陽闕叛魯伐之虎來奔請師以伐魯曰三加必取之公將許之國諫曰臣嘗為隸于施氏矣魯未可取也上下猶和衆庶猶睦能事大國而無天菑若之何取之陽虎欲勤齊師也齊師罷大臣必多死亡已於是乎奮其詐謀夫陽虎有寵于季氏而將殺季孫以不利魯國而求容焉親富不親仁君焉用之君富于季氏而大于魯國茲陽虎所欲傾覆也魯免其疾而君又收之

無乃害乎公乃執陽虎

左傳

國卒謚曰文國之孫牧見逆臣傳

管夷吾

名忽管
修附

管仲夷吾者管莊仲之子姬姓之後穎上人也及召忽並
傅公子糾襄公十二年

莊八年

無知之亂作鮑叔牙奉公

子小白奔莒管夷吾召忽奉公子糾奔魯

左傳

桓公元年

莊九年

雍廩

齊大夫史作雍廩
林以為地名誤

殺無知公子糾與

小白皆歸爭先入夷吾扞弓射小白中鉤小白僵夷吾

以為小白死告公子糾曰安之小白已死矣鮑叔因疾

驅先入小白立是為桓公

呂氏春秋

史記高國陰召小白于莒魯亦發兵送公子糾而使
管仲別將兵遮莒道射中小白帶鉤小白佯死以誤
管仲已而載溫車中馳行亦有高國內應故得先入
夏師及魯師戰於乾時魯師敗績鮑叔帥師請于魯曰
子糾親也請君討之管召讐也請受而甘心焉魯殺子
糾于生竇召忽死之

管子桓公問于鮑叔曰將何以定社稷鮑叔曰得管仲與召忽者社稷定矣亟召則可得不得也齊使至魯魯乃束縛管仲與召忽管仲謂召忽曰子懼乎召忽曰何懼吾不蚤死將胥有所定也今既定矣令子相齊之左必令忽相齊之右雖然殺君而用吾身是再辱我也子為生臣忽為死臣忽也知得萬乘之政而死公子糾可謂有死臣矣子生而霸諸侯公子糾可謂有生臣矣死者成行生者成名名不兩

立行不虛至子其勉之行入齊境自刎而死君子曰
召忽之死也賢其生也管仲之生也賢其死也

夷吾請囚鮑叔受之及堂阜而稅之歸而以告曰管夷
吾治于高侯使相可也公從之

左傳

呂氏春秋管子得于魯魯束縛而檻之使役人載而
送之齊其驅歌而引管子恐魯之止而殺已也欲速
之齊謂役人曰我為汝唱汝為我和其所唱適宜走
役人不倦而取道甚速韓非子管仲束縛自魯之齊

道而饑渴過猶烏封人而乞食焉封人跪而食之甚敬因竊謂仲曰適幸及齊不死而用齊將何報我曰如子之言我且言之用能之使勞之論我何以報子封人怨之

立夷吾為仲父既任政謂公曰昔者聖王之治天下也

參其國而伍其鄙

國郊以內鄙郊以外謂三分國都定以為三軍五分其鄙以為五屬也

定

民之居成居之事陵為之終

以為葬也

而慎用其六柄焉

殺

貧富貴賤也

于是使四民勿雜處以成民事制國為二十一

鄉以定民居作隱令寄政以為三軍立五屬五正以為
五鄙公曰吾欲從事於諸侯其可乎夷吾對曰未可國
未安公曰安國若何對曰修舊法擇其善者而業用之
遂物民與無財而敬百姓公曰諾國既安矣公曰其可
乎對曰未可鄰國未親公曰親鄰國若何對曰審吾疆
場而反其侵地正其封疆無受其資重為皮幣以驟聘
覲于諸侯以安四鄰為游士八十人多其資幣以號召
賢士以監其所好擇其淫亂者而先征之

說苑桓公使管仲治國對曰賤不能臨貴以為上卿而國不治公曰何故對曰貧不能使富賜之齊國市租一年而國不治公曰何故對曰疏不能制親立以為仲父齊國大安而遂霸天下孔子曰管仲之賢不得此三權者亦不能使其君南面而霸矣說苑桓公謂管仲曰吾欲舉事于國昭然如日月無愚夫愚婦皆曰善可乎仲曰可然非聖人之道曰何也對曰夫短綆不可以汲深井知鮮不可以與聖人之言慧士

可與辨物智士可與辨無方聖人可與辨神明夫聖
人之所為非衆人之所及也民知十已則尚與之爭
百已則疵其過千已則詎而不信是故民不可稍而
掌也可并而牧也不可暴而殺也可麾而致也衆不
可戶說也可舉而示也說苑桓公問於管仲曰吾欲
使爵腐於酒肉腐於俎得無害霸乎對曰此極非其
貴者耳然亦無害於霸也曰何如而害霸對曰不知
賢害霸知而不用害霸用而不任害霸任而不信害

霸信而復使小人參之害霸公曰善說苑筭子曰權
不兩錯政不二門故曰脰大於股者難以步指大於
臂者難以把本大末小不能相使也韓非子桓公問
管仲曰治國最奚患對曰患社鼠公曰何哉曰君亦
見夫為社者乎樹木而塗之鼠穿其間堀穴託其中
燠之焚木灌之塗阤此社鼠之所以不得也今人君
之左右出則為勢重而收利於民入則比周而蔽惡
於君內間主之情以告外外內為重諸臣百吏以為

富吏不誅則亂法誅之則君不安據而有之此亦國之社鼠也

即位數年甲兵大足四鄰大親萊莒徐夷吳越一戰帥服三十一國

國語

桓公五年

莊十年

公與魯會於柯既盟曹沫執匕首劫公

公許盡歸魯侵地既而怒欲倍其約夷吾曰不可夫貪

小利以自快棄信於諸侯失天下之援不如與之於是

乃遂割魯侵地

史記

欽定四庫全書

魯莊公感其德為之城小穀小穀夷吾之私邑也

在莊二十二年

十五年

閏元年

狄人伐邢夷吾言于公曰戎狄豺狼不可

厭也諸夏親暱不可棄也宴安酖毒不可懷也詩云豈

不懷歸畏此簡書簡書同惡相恤之謂也請救邢以從

簡書公救邢公與蔡姬乘舟於囿蕩公公懼變色禁之

不可公怒歸之未絕之也蔡人嫁之三十年

僖四年公以

諸侯之師侵蔡蔡潰遂伐楚楚問師故夷吾對曰昔召

康公命我先君太公曰五侯九伯汝實征之以夾輔周

室賜我先君履東至於海西至於河南至於穆陵北至
於無棣爾貢芑茅不入王祭不共無以縮酒寡人是徵
昭王南征而不復寡人是問

管子桓公與宋夫人飲船中夫人蕩船而懼公公怒
出之宋受而嫁之蔡侯公欲伐宋管仲曰不可臣聞
內政不修外舉事不濟不聽伐宋諸侯救宋大敗齊
師桓公將伐魯曰魯與寡人近其救宋也疾寡人且
誅焉管仲曰不可臣聞有土之君不勤于兵不忌于

辱不輔其過則社稷安否則危不聽戰於長勺魯大敗之。按春秋莊十年經曰公敗齊師于長勺夏六月齊師宋師次于郎公敗宋師于乘邱無齊伐宋之文又蕩船者蔡女非宋女齊伐蔡非伐宋也且長勺之戰在伐蔡前二十八年又不因蔡女而伐魯也韓非子蔡女為桓公妻公與之乘舟夫人蕩舟公懼禁之不止怒而出之且復召之因更嫁之公怒將伐蔡仲父諫曰寢息之戲不足以伐人國功業不可冀也

公不聽仲父曰必不得已楚之菁茅不貢于天子三年矣君不如為天子伐楚楚服因襲蔡曰余為天子伐楚而蔡不以兵聽從此義于名而利于實也

三十三年

傳七年

鄭未服故公會諸侯盟于甯母以

謀鄭夷吾言于公曰臣聞之招攜以禮懷遠以德禮不易無人不懷於是修禮于諸侯諸侯官受

方物

諸侯官司各于齊受其方所當貢天子之物

鄭伯使大子華聽命

于會言于公曰洩氏孔氏子人民

三族鄭大夫

三族實

違君命若君去之以為成我以鄭為內臣君亦無所不利焉公將許之夷吾曰君以禮與信屬諸侯而以姦終之無乃不可乎子父不奸之謂禮守命共時之謂信違此二者姦莫大焉公曰諸侯有討於鄭未捷今苟有釁從之不亦可乎對曰君若綏之以德加之以訓辭而帥諸侯以討鄭鄭將覆亡之不暇豈敢不懼若總其罪人以臨之鄭有辭矣何懼且夫合諸侯以崇德也會而列姦何以示後嗣夫諸侯之會其德刑禮

義無國不記記姦之位君盟替矣作而不記非盛德也
君其勿許鄭必受盟夫子華既為大子而求介于大國
以弱其國亦必不免鄭有叔詹堵叔師叔三良為政未
可間也公辭焉冬鄭伯請盟

左傳

三十五年

僖九年

會諸侯于葵邱王使宰孔賜文武胙且

曰無下拜公欲許之夷吾曰不可乃下拜受賜

史記

管子葵邱之會天子使宰孔致胙且有後命曰毋下
拜公召管仲而謀對曰為君不君為臣不臣亂之本

也

王子帶召揚拒泉臯伊維之戎同伐京師三十八年

傳

二年公使夷吾平戎于王王以上卿之禮饗之夷吾辭曰

臣賤有司也有天子之二守國高在若節春秋來承王命何以禮焉陪臣敢辭王曰舅氏余嘉乃勲應乃懿德謂督不忘往踐乃職無逆朕命夷吾卒受下卿之禮而

還

左傳

桓公既霸諸侯于是公曰余乘車之會三兵車之會六

九合諸侯一匡天下北至於孤竹山戎滅貊秦夏西至
流沙西虞南至吳越巴牂牁殽不庾雕題黑齒荆夷之
國莫違寡人而中國卑我昔三代之受命者其異于此
乎夷吾對曰夫鳳凰鸞鳥不降而鷹隼鵠臬豐庶神不
格守龜不兆握粟而筮者屢中時雨甘露不降飄風暴
雨數臻五穀不蕃六蓄不育而蓬蒿藜蘿並興昔人之
受命者龍龜假河出圖洛出書地出乘黃今三祥未有
見者雖曰受命無乃失諸侯乎公懼

管子

史記桓公會諸侯於葵丘而欲封禪管仲曰古封泰山禪梁父者七十二家而夷吾所記者十有二焉皆受命然後得封禪公曰寡人兵車之會三乘車之會六九合諸侯一匡天下諸侯莫違三代受命何以異乎管仲睹桓公不可窮以辭因說之以事曰古之封禪鄒上之黍北里之禾所以為盛江淮之間一茅三脊所以為籍也東海致比目之魚西海致比翼之鳥然後物有不召而自至者十有五焉今鳳凰麒麟不

來嘉穀不生而蓬蒿藜莠茂鵠臬數至而欲封禪母
乃不可乎於是桓公乃止

四十三年

僖十七年

夷吾卒

左傳

謚曰敬夷吾病桓公問曰羣臣誰可相者夷吾曰知臣
莫若君公曰易牙如何對曰殺子以適君非人情不可
公曰開方如何對曰倍親以適君非人情難近公曰豎
刁如何對曰自宮以適君非人情難親夷吾死而桓公
不用夷吾言卒近用三子三子專權

管子公問曰二三大夫其猶能以國寧乎對曰鮑叔
好直而不能以國詘賁胥無好善而不能以國詘甯
戚能事而不能以足息孫在善言而不能以信默臣
聞之消息盈虛與百姓詘信然後能以國寧勿已者
隰朋其可乎

夷吾之相齊乎以區區之齊在海濱通貨積財富國強
兵與俗同好惡其為政也善因禍而為福轉敗而為功
連五家之兵設輕重九府魚鹽之利以贍貧窮祿賢能

齊人皆說桓公以霸而夷吾亦富擬公室有三歸反玷齊人不以為侈也

史記

說苑桓公之時霖雨十旬桓公欲伐濞陵其城之值雨也未合管仲隰朋以卒徒造于門桓公曰徒衆何以為管仲對曰臣聞之雨則有事夫濞陵不能雨臣請攻之公曰善遂興師伐之既至天卒間外士在內矣桓公曰其有聖人乎乃還旗而去之說苑桓公之平陵見有年老而自養者問其故對曰有子九人家

貧無以妻之使傭而未返也公取外御者五人妻之
管仲入見曰公之施惠不亦小矣待所見而施惠焉
齊之有妻者少矣公曰若何曰令國丈夫三十而室
女子十五而嫁韓非子略同說苑孟簡子相梁并衛
有罪而走齊管仲迎而問之曰吾子相梁并衛之時
門下使者幾何人矣曰三千餘人管仲曰今與幾何
人來曰與三人俱仲曰是何也曰其一人父死無以
葬我為葬之一人母死無以葬我亦葬之一人兄有

獄我為出之是以得三人來管仲上車曰嗟茲乎我窮必矣吾不能以春風風人不能以夏雨雨人吾窮必矣說苑桓公謂管仲曰吾國羣臣衣服輿馬甚汰吾欲禁之可乎管仲曰臣聞之君嘗之臣食之君好之臣服之君食桂之漿衣練紫之衣狐白之裘此羣臣之所奢大也詩曰不躬不親庶民不信君欲禁之胡不是親乎公曰善于是更置練帛之衣大白之冠朝一年而齊國儉韓非子略同呂氏春秋管仲觴桓

公曰暮矣公樂之而徵燭管仲曰臣卜其晝未卜其夜公不說曰寡人與仲父為樂將幾之請夜之管仲曰夫厚於味者薄於德沉於樂者反於憂壯而怠則失時老而懈則無名臣將為君勉之何沉於酒也韓詩外傳桓公置酒令諸大夫曰後者飲一經程管仲後當飲一經程飲半而棄半公曰何也管仲曰臣聞之酒入口者舌出舌出者棄身與其棄身不寧棄酒乎外傳桓公問于管仲曰王者何貴曰貴天公仰而

視天管仲曰非莽蒼之天也王者以百姓為天百姓
與之即安輔之即彊非之即危倍之即亡韓非子桓
公飲酒醉遺其冠恥之三日不朝管仲曰此非有國
之恥也胡不雪之以政公曰善發倉囷賜貧窮論囷
出薄罪處三日而民歌之曰公胡不復遺冠乎韓非子
人有設桓公隱者曰一難二難三難何也公不能對
以告管仲管仲對曰一難也近優而遠士二難也去
其國而數之海三難也君老而晚置太子桓公曰善

論衡桓公負婦人而朝諸侯管仲告諸侯曰吾君背有疽不得婦人瘡不哀愈諸侯信管仲故無畔者

貫之盟

在僖十二年

夷吾曰江黃遠齊而近楚楚為利之國

也若伐而不能救則無以宗諸侯矣桓公不聽遂與之盟夷吾死楚伐江滅黃桓公不能救

穀梁

夷吾嘗遇盜取二人馬上以為公臣曰其所與遊辟也可人也夷吾死桓公使為之服宦於大夫者之為之服也自夷吾始也

禮記

所著有管子其後有管修者仕楚為賢大夫白公作亂

殺之

左傳

世本莊仲山產敬仲夷吾產武子鳴鳴產桓子

啟方啟方產成子孺孺產莊子盧盧產悼子其夷其

夷產襄子武武產景子耐步耐步產闕凡十代世譜

同

論曰嗟乎召忽之死召忽正也方仲之束縛就囚時期
必得桓而成伯不集不且為召忽之羞乎委身事讎貳

者且將以仲為口實也

隰朋

附隰鉏

隰朋者齊大夫事桓公聰明捷給公令為東國管子

韓非子桓公問置吏于管仲管仲曰登降肅讓以明禮待賓臣不如隰朋請立以為大行呂氏春秋同

桓公三十五年

僖九年

朋帥師會秦師納晉惠公明年朋

會周公忌父王子黨

周大夫

立之王子帶召戎伐京師秦

晉伐戎以救周三十八年

僖十二年

公使管夷吾平戎於周

使朋平戎于晉

左傳

管夷吾寢疾公往問之曰仲父若不諱政將安移之夷
吾未對公曰鮑叔何如對曰鮑叔君子也千乘之國不
以其道予之不受也雖然不可以為政其人好善而惡
惡已甚見一惡終身不忘公曰然則孰可對曰隰朋可
朋之為人好上識而下問居其家不忘公門居公門不
忘其家事君不貳其心亦不忘其身勿已者朋其可乎
朋之為人動必量力舉必量技言終喟然歎曰天之生

朋以為夷吾舌也身死舌焉得生哉夷吾卒後十月朋

亦卒

管子

呂氏春秋管仲曰隰朋之為人也上志而下求醜不若黃帝而哀不已若者其於國也有不聞也其于物也有不知也其於人也有不見也勿已則隰朋可也夫相大官也不欲小察不欲小智故曰大匠不斲大庖不豆大勇不鬪大兵不寇韓非子公之伐孤竹也管仲隰朋從春往冬反迷惑失道管仲曰老馬之智

可用也乃放老馬而隨之遂得道行山中無水朋曰
蟻冬居山之陽夏居山之陰蟻壤一寸而仞有水乃
掘地遂得水管子桓公春月觀於野曰何物可比于
君子之德乎朋對曰夫粟內甲以處中有卷城外有
兵刃未敢自恃自命曰粟此其可比於君子之德乎
管仲對曰苗始其少也眴眴乎何其孺子也至其壯
也莊莊乎何其士也至其成也由由乎茲免何其君
子也天下得之則安不得則危故命之曰禾此其可

比于君子之德矣

朋曾孫鉏莊公六年

襄二十五年

晉伐我崔杼弑公使鉏請

成晉許之

左傳

尚史卷三十五

欽定四庫全書

尚史卷三十六

列傳十四

鑲白旗漢軍李鐸撰

齊諸臣傳

甯戚

甯戚者衛人也欲干齊桓公窮困無以自進於是為商旅將任車以至齊暮宿於郭門之外公郊迎客夜開門辟任車爝火甚盛從者甚衆戚飯牛居車下望公而悲

擊牛角疾歌

歌曰南山斫白石爛生不逢堯與舜禪短布單衣適
至鼂從昏飯牛薄夜半長夜漫漫何時旦一作滄浪
之水白石粲中有鯉魚長尺半弊布單衣裁至鼂清
朝飯牛至夜半黃犢上阪且休息吾將舍汝相齊國
一作出東門兮厲石斑上有松栢青且闌麤布衣兮
緼縷時不遇兮堯舜主牛兮努力食細草大臣在爾
側吾當與爾適楚國 歌後人所擬也後漢書注引

說苑云甯戚飯牛於庸衢擊牛角而歌碩鼠高誘注
呂覽亦云歌碩鼠也

公聞之撫其僕之手曰異哉之歌者非常人也命後車
載之公反至戚見說公以治境內明日復見說公以為
天下公大說將任之羣臣爭之曰使人問之衛賢用之
未晚也公曰不然問之患其有小惡以小惡亡大美此
人主之所以失天下之士也已卒任之

呂氏
春秋

韓非子桓公問置吏于管仲管仲曰墾草仞邑辟地

生粟臣不如甯戚請以為大田

公嘗問於戚曰吾何如而使姦邪不起民衣食足乎戚對曰要在得賢而任之曰得賢奈何對曰開其道路察而用之尊其位重其祿顯其名則士至矣公曰既以舉賢士而用之矣微夫子幸而臨之則未有布衣屈奇之士踵門而求見者對曰是君察之不明舉之不顯而用之疑官之卑祿之薄也且夫國之所以不得士者有五阻焉主不好士諂諛在旁一阻也言便事未嘗見用二

阻也壅塞掩蔽必因近習然後見察三阻也訊獄詰窮
其辭以法過之四阻也執事適欲擅國權命五阻也去
此五阻則豪傑並興賢智求處五阻不去則上蔽吏民
之情下塞賢士之路也公曰善吾將著夫五阻以為戒
本也說苑

賓胥無 東郭牙

弗鄭
蒙孫附

季友

賓胥無者事桓公管夷吾曰賓胥無堅強以良可以為
西土公任之公嘗問夷吾曰寡人欲霸以二三子之功

既得霸矣今吾有欲王其可乎夷吾對曰公當召叔牙而問焉鮑叔牙至公問焉叔牙對曰公當召賓胥無而問焉賓胥無趨而進公又問焉賓胥無對曰古之王者其君豐其臣教今君之臣豐公遵循繆然遠二三子遂徐行而進公曰昔者太王賢王季賢文王賢武王賢武王伐殷克之七年而崩周公旦輔成王而治天下僅能制於四海之內矣今寡人之子不若寡人寡人不若二三子以此觀之則吾不王必矣

管子桓公築緣陵以封杞築夷儀以封邢狄伐衛桓公且封之隰朋賓胥無諫曰不可三國所以亡者絕以小令君斬封亡國國盡若何桓公問管仲管仲曰君有行之名安得有其實君其行也。說謬

東郭牙者亦當桓公時桓公問管夷吾曰吾念有而勿失得而勿忘為之有道乎對曰黃帝立明堂之義堯有衢室之間舜有告善之旌禹立諫鼓於朝湯有總街之庭武王有靈臺之復此古聖帝明王所以有而勿失得

而勿忘也公曰吾欲效而為之其名云何對曰名曰嘖室之議人有非上之所過內于嘖室之議有司執事者咸以履事奉職而不忘為此嘖室之事也請以東郭牙為之此人能以正事爭于君前者也

管子

呂氏春秋桓公謀伐莒謀未發而聞于國公怪之管夷吾曰國必有聖人焉公曰譖曰之役者有執蹠痢而上視者意者其是邪乃令復役無得相代少頃牙至夷吾曰此必是已乃延之而上分級而立夷吾曰

子邪言伐莒者對曰然夷吾曰我不言伐莒子何故
言伐莒對曰臣聞君子有三色顯然善樂者鍾鼓
之色也湫然清淨者衰經之色也艷然充盈手足矜
者兵革之色也日者臣望君之在臺上也艷然充盈
手足矜者此兵革之色也君喆而不咎所言者莒也
君舉背而指所當者莒也臣竊慮諸侯之不服者其
惟莒乎臣故言之 按桓公時魯伐莒齊不伐莒也
韓非子齊桓公將立管仲令羣臣曰寡人將立管仲

為仲父善者入門而左不善者入門而右東郭牙中門而立曰以管仲之智為能謀天下乎公曰能以斷為敢行大事乎公曰敢牙曰智能謀天下斷敢行大事君因專屬之國柄焉以管仲之能乘公之勢以治齊國得無危乎公曰善乃令隰朋治內管仲治外以相參說苑略同。說亦誣

桓公時又有弗鄭季友蒙孫皆佐桓公以霸者

管子桓公使弗鄭為宅又大匡篇季友之為人也恭

以精博於教多小信可游于魯蒙孫博於教而文巧於辭不好立大義而好結小信可游於楚

仲孫湫

仲孫湫者亦齊大夫桓公二十四年

莊三十二年

魯慶父弑

子般立閔公明年公使湫省難於魯歸曰不去慶父魯難未已公曰若之何而去之對曰難不已將自斃君其待之公曰魯可取乎對曰不可猶秉周禮周禮所以本也臣聞之國將亡本必先顛而後枝葉從之魯不棄周

禮未可動也。君其務寧魯難而親之親，有禮因重固間，攜貳覆昏亂霸王之器也。周亂，王子帶來奔。三十九年，僖十三年公使湫聘于周，且言王子帶事畢不與王言歸。復命曰：「未可。」王怒，未怠其十年乎？不十年，王弗召也。是年秋，為戎難，故諸侯戍周，湫致之。左傳

論曰：聞諸先民曰：「一人善射，百夫決拾倡之得也。」良賈冬則資絺，夏則資皮，豫之給也。世無桓公蹠廬之間，牛口之下，豈遂無物哉？明乎五阻可以得士，辨乎嘖室可

以得言二子不徒以虛聲立矣

晏弱

桓子

晏嬰

平仲

子晏
圍附

晏弱者齊大夫晏桓子也事頃公頃公四年

宣十年魯公

孫歸父會公子穀見弱與之言魯樂

音洛

弱告高固曰子

家

歸父字

其亡乎懷于魯矣懷必貪貪必謀人謀人人亦謀己

一國謀之何以不亡後四年歸父果來奔七年

宣十年

晉

使卻克徵會于我我怒卻克夏弱及高固蔡朝南郭偃
會于斷道高固逃歸晉執弱于野王執朝于原執偃于

溫既而緩之逸十年

年成二年

卒敗我師于鞍靈公十一年

襄二年

魯齊姜薨公使諸姜宗婦往送葬召萊子萊子不

會使弱城東陽以偁之十四年

襄五年

弱再城東陽遂圍

萊四月甲寅堙之環城傳于堞明年王湫帥師及正輿

子棠軍我師我師大敗之遂入萊四月弱圍棠滅之遷萊

於郕二十一年

襄十二年

靈王求后于我公問對于弱弱對

曰先王之禮辭有之天子求后于諸侯諸侯對曰夫婦

所生若而人妾婦之子若而人無女而有姊妹及姑姊

妹則曰先守某公之遺女若而人二十六年

襄十
七年弱卒

左傳

謚曰桓子嬰嗣

管子桓公踐位十九年令晏子進貴人之子出不仕
處不華而友有少長為上舉得二為次得一為下士
處靖敬老與貴交不失禮行此三者為上舉得二為
次得一為下耕者農農用力應于父兄事賢多行此
三者為上舉得二為次得一為下。按桓公距頃公

六十餘年所謂晏子者或是弱之父祖也

晏嬰者字仲弱之子也

史記萊之夷維人

弱卒嬰麤縗斬菑經

帶杖管屨食粥居倚廬寢苫枕草其老曰非大夫之禮也曰唯卿為大夫

晏子孔子曰晏子可謂能遠害矣不以己之是駁人之非遜辭以避咎義也夫

初事靈公靈公薨事莊公莊公三年

襄二十二年

晉樂盈得

罪自楚適我嬰言于公曰商任之會受命于晉今納樂

氏將安用之小所以事大信也失信不立君其圖之弗
聽退告陳須無曰君人執信臣人執共忠信篤敬上下
同之天之道也君自棄也弗能久矣冬諸侯會于沙隨
復錮欒氏也欒盈猶在齊嬰曰禍將作矣齊將伐晉不
可以不懼四年襄二十三年我伐衛自衛將遂伐晉嬰曰君
恃勇力以伐盟主若不濟國之福也不德而有功憂必
及君

晏子晏子臣於莊公公不說飲酒召晏子晏子至公

令樂人奏歌曰已哉已哉寡人不能說也爾何來為
三奏然後知其為已也遂起北面坐地公曰曷為坐
地對曰嬰將與君訟嬰聞之衆而無義彊而無禮好
勇而惡賢者禍必及其身公之謂矣遂趨而歸徒行
而東耕于海濱晏子莊公問晏子曰威當世而服天
下時邪對曰行也曰何行曰愛邦國之民者能服境
外之不善重士民之死力者能禁暴國之邪逆聽僨
賢者能威諸侯安仁義而樂利世者能服天下公不

用晏子退而窮處暮年而身及禍晏子莊公闔門而
圖莒國人以為有亂也皆操兵立於閭公召睢休相
曰若何對曰誠無亂而國以為有則仁人不存請令
於國言晏子之在也公令於國孰謂國有亂者晏子
在焉然後皆散兵而歸

六年

襄二十五年

崔杼弑公嬰立於崔氏之門外其人曰死

乎曰獨吾君也乎哉吾死也曰行乎曰吾罪也乎哉吾
亡也曰歸乎曰君死安歸君民者豈以陵民社稷是主

君臣者豈為其口實社稷是養故君為社稷死則死之
為社稷亡則亡之若為己死而為己亡非其私暱誰敢
任之且人有君而弑之吾焉得死之而焉得亡之將庸
何歸門啟而入枕尸股而哭興三踊而出人謂崔杼必
殺之杼曰民之望也舍之得民杼立公弟杵臼而相之
是為景公慶封為左相盟國人于大宮曰所不與崔慶
者嬰仰天嘆曰嬰所不為忠於君利社稷者是與有如
上帝乃歆

說苑晏子治東阿三年景公召而數之曰子治東阿而亂將加大誅于子對曰臣請改道易行而治東阿三年不治臣請死之許之明年上計公迎而賀之曰甚善矣子之治東阿也對曰前臣之治東阿也屬託不行貨賂不至陂池之魚以利貧民當此之時民無饑者而君反以罪臣今臣之治東阿也屬託行貨賂至并會賦歛倉庫少內便事左右陂池之魚入于權家當此之時饑者過半君乃反迎而賀臣願乞骸骨

避賢者之路公知嬰賢任以國政三年而齊大興晏
子同按晏子事靈莊已為名大夫不應治東阿而
景公始知其賢也又襄二十五年景公即位崔慶當
國三年崔慶滅亡樂高柄政至襄二十九年晏子遂
致邑與政以避其難然則所謂景公任以國政三年
而齊大興亦當在樂高既敗之後耳

景公三年

襄二十八年

慶封與慶舍

封之子

政將謀令孫竈公

孫竈

竈樂子雅竈高子尾皆惠公孫

使析歸父告嬰嬰辭既而樂高陳

鮑之徒殺慶舍慶封奔魯與嬰邶殿其鄙六十弗受公
孫薑曰富人之所欲也何獨弗欲對曰慶氏之邑足欲
故亡吾邑不足欲也益之以邶殿乃足欲足欲亡無日
矣在外不得宰吾一邑不受邶殿非惡富也恐失富也
且夫富如布帛之有幅焉為之制度使無遷也夫民生
厚而用利于是乎正德以幅之使無黜嫚謂之幅利利
過則為敗吾不敢貪多所謂幅也四年襄二十九年吳公子
札來聘說嬰嬰因陳無宇遂納政與邑八年昭二年晉少

姜卒明年公使嬰請繼室于晉既成昏嬰受禮羊舌肸從之宴相與語羊舌肸曰齊其何如嬰曰此季世也吾弗知齊其為陳氏矣公棄其民而歸于陳氏齊舊四量豆區釜鍾四升為豆各自其四以登于釜釜十則鍾陳氏三量皆登一馬

謂以五升為豆五區為釜鍾乃大矣以家量

貸而以公量收之山木如市

如往也

弗加于山魚鹽蜃蛤

弗加于海民參其力二入於公而以衣食其一公聚朽蠹而三老凍餒國之諸市屢賤踊貴民人痛疾而或燠

休之其愛之如父母歸之如流水欲無獲民將焉辟之

箕伯直柄虞遂伯戲

四人皆舜後陳氏之先

其相胡公大姬已在

齊矣

言其先祖鬼神已共在齊

初公欲更娶之宅曰子之宅近市湫

隘囂塵不可以居請更諸爽塏者辭曰君之先臣容焉

臣不足以嗣之于臣侈矣且小人近市朝夕得所求小

人之利焉敢煩里旅公笑曰子近市識貴賤乎對曰既

利之敢不識乎公曰何貴何賤于是景公煩于刑有鬻

踊者故對曰踊貴屨賤公為是省于刑及嬰如晉公更

其宅反則成矣既拜乃毀之而為里室皆如其舊則使宅人反之且諺曰非宅是卜唯鄰是卜二三子先卜鄰矣違卜不祥君子不犯非禮小人不犯不祥古之制也吾敢違諸乎卒復其舊宅公弗許因陳無宇以請乃許之

韓詩外傳晏子聘魯上堂則趨授玉則跪子貢怪之問孔子曰晏子知禮乎上堂則趨授玉則跪何也孔子曰其有方矣我將問焉晏子至孔子問之晏子曰

夫上堂之禮君行一臣行二今君行疾臣敢不趨令
君之授幣也卑臣敢不跪孔子曰善禮中又有禮韓
非子晏子聘魯哀公問曰語曰莫三人而迷今寡人
與一國慮之魯不免于亂何也對曰所謂莫三人而
迷者一人失之二人得之三人足以為衆矣今魯之
羣臣以千百數一言于季氏之私人數非不衆所言
者一人也安得三哉晏子同而異說苑晏子使吳吳
王曰吾聞齊君蓋賊以慢野以暴吾子客焉何甚也

晏子逡巡而對曰臣聞之精事不通麤事不能者必
勞大事不得小事不為者必貧大者不能致小者不
能至人之門者必困此臣之所以任也如臣豈能以
道食人者哉晏子出王笑曰吾譏晏子也猶僇而訾
高樞者說苑晏子使于楚楚王進橘置削晏子不剖
而食之楚王曰橘當去剖對曰臣聞之賜人主前者
瓜桃不削橘柚不剖今萬乘無教臣不敢剖非不知
也韓詩外傳晏子南使楚左右曰晏子天下之辯士

也王可與晏子坐使有司束人過王王問之使言齊人善盜是宜可以困之王曰善晏子至與之坐圖國之急務辨當世之得失再舉再窮王默然無以續語居有間束徒以過之王曰何為者對曰是齊人善盜束而詣吏王欣然大笑曰齊固善盜乎晏子曰然王不見夫江南之樹乎名橘樹之江北則化為枳何則地土使然爾夫子處齊儼有伯夷之廉今居楚而善盜意土地之化使然爾晏子同使魯及吳楚事經

傳無之

十月公孫竈卒司馬竈

齊大夫

見嬰曰又喪子雅矣嬰曰

惜也子旗

竈子樂施

不免殆哉姜族弱矣而嬀將始昌二惠

公孫竈公孫董並惠公孫故曰二惠

競爽猶可又弱一個焉姜其危哉

說苑齊侯問于晏子曰當今諸侯孰危對曰莒其亡

乎地侵于齊貨竭于晉是以亡也晏子畧同

十六年

昭六年

公如晉請伐北燕晉許之遂伐北燕將納

簡公

簡公北燕伯三年出奔齊

嬰曰不入燕有君矣民不貳吾君賄

左右諂諛作大事不以信未嘗可也果不克而還十六

年

昭十年

陳鮑伐樂高氏高彊

董子良

曰先得公陳鮑焉往

遂伐虎門嬰端委立於虎門之外四族召之無所往其
徒曰助陳鮑乎曰何善焉助樂高乎曰庸愈乎然則歸
乎曰君伐焉歸公召之而後入五月樂高敗樂施高彊
奔魯陳鮑分其室嬰謂陳無宇曰必致諸公讓德之主
也讓之謂懿德凡有血氣皆有爭心故利不可強思義
為愈義利之本也蒞利生孽姑使無蒞乎可以滋長二

十六年

昭二
十年

公疥

疥當
作瘡

遂疔期而不瘳諸侯之賓問疾

者多在梁邱據與裔款言于公曰吾事鬼神豐於先君

有加矣今君疾病為諸侯憂是祝史之罪也盍誅于祝

固史嚚以辭賓公說告嬰嬰曰曰宋之盟屈建問范會

之德于趙武武曰夫子之家事治言于晉國竭情無私

其祝史祭祀陳信不愧其家事無猜其祝史不祈建以

語康王康王曰神人無怨宜夫子之光輔五君以為諸

侯主也公曰據與款謂寡人能事鬼神故欲誅于祝史

子稱是語何故對曰若有德之君外內不廢上下無怨
動無違事其祝史薦信無愧心矣是以鬼神用饗國受
其福祝史與焉其所以蕃祉老壽者為信君使也其言
忠信于鬼神其適遇淫君外內頗邪上下怨疾動作辟
違從欲厭私高臺深池撞鍾舞女斬刈民力輸掠其衆
以成其違不恤後人神怒民痛無悛于心其祝使薦信
是言罪也其益失數美是矯誣也進退無辭則虛以求
媚是以鬼神不饗其國以禍之祝史與焉所以天昏孤

疾者為暴君使也其言僭嫚于鬼神公曰然則若之何
對曰不可為也山林之木衡鹿守之澤之萑蒲舟鮫守
之藪之薪蒸虞侯守之海之鹽蜃祈望守之

衡鹿舟鮫
虞侯祈望

名皆官縣鄙之人入從其政偪介之闕暴征其私承嗣大

夫強易其賄布常無藝徵歛無度宮室日更淫樂不違
內寵之妾肆奪於市外寵之臣僭令于鄙私欲養求不
給則應民人若病夫婦皆詛祝有益也詛亦有損聊攝
齊西以東姑尤

齊東界

以西其為人也多矣雖其善祝豈

能勝億兆人之詛君若欲誅于祝史脩德而後可公說
晏子喬款作會譴祝固史嚚作史固祝佗說苑齊奪公
召羣臣曰天不雨久矣吾使卜之祟在高山廣水欲
少賦歛以祠靈山何如晏子進曰不可夫靈山固以
石為身以草木為髮不雨髮將焦身將熱彼獨不欲
雨乎曰祠河伯可乎曰不可夫河伯以水為國以魚
鼈為民不雨國將亡民將滅彼獨不欲雨乎曰為之
奈何曰君誠避宮殿暴露與靈山河伯共憂其幸而

雨乎公出野暴露三日果大雨

公至自田嬰侍于造臺梁邱據馳而造焉公曰唯據與
我和夫嬰對曰據亦同也焉得為和公曰和與同異乎
對曰異和如羹焉水火醯醢鹽梅以烹魚肉燂之以薪
宰夫和之齊之以味濟其不及以洩其過君子食之以
平其心君臣亦然君所謂可而有否焉臣獻其否以成
其可君所謂否而有可焉臣獻其可以去其否是以政
平而不干民無爭心故詩曰亦有和羹既戒既平醢醢

無言時靡有爭先王之濟五味和五聲也以平其心成其政也聲亦如味一氣二體三類四物五聲六律七音八風九歌以相成也清濁小大短長疾徐哀樂剛柔遲速高下出入周疏以相濟也君子聽之以平其心心平德和故詩曰德音不瑕今據不然君所謂可據亦曰可君所謂否據亦曰否若以水濟水誰能食之若琴瑟之專一誰能聽之同之不可也如是

韓詩外傳景公出田十有七日而不反晏子乘而往

比至衣冠不正公見而怪之曰夫子何遽乎得無有
急于對曰然有急國人皆以君為惡民好禽臣聞之
魚鼈就乾淺故得于釣網禽獸下都澤故得于田獵
今君出田十有七日而不反不亦過乎公曰不然為
賓客莫應待耶則行人子牛在為宗廟不血食耶則
祝人大宰在為獄不中耶則大理子幾在為國家有
餘不足邪則巫賢在寡人有四子猶有四肢也而得
代焉對曰然人心有四肢而得代焉則善矣今四肢

無心十有七日不死乎說苑景公獵休坐地而食晏
子後至滅葭而席公曰寡人自以坐地二三子將坐
地吾子獨蹇草而坐何也對曰嬰聞之唯喪與獄坐
于地今不敢以喪獄之事侍于君矣說苑景公出獵
上山見虎下澤見虵歸召晏子問之曰寡人出獵上
山見虎下澤見虵殆所謂不祥也晏子曰國有三不
祥是不與焉夫有賢而不知知而不用用而不任所
謂不祥也山虎之室也澤虵之穴也如虎之室如虵

之穴而見之曷為不祥也晏子同

公飲酒樂公曰古而無死其樂若何嬰對曰古而無死

則古之樂也君何得焉昔爽鳩氏

少皞氏之司寇

始居此地季

荊虞夏諸侯因之有逢伯陵

殷諸侯姜姓

因之蒲姑氏

殷周之間諸侯

因之而後太公

因之古若無死爽鳩氏之樂非君所願也

韓詩外傳景公遊于牛山之上而北望齊曰美哉國

乎鬱鬱泰山使古而無死者則寡人將去此而何之

俯而泣沾襟國子高子曰然臣賴君之賜疏食惡肉

可得而食驚馬柴車可得而乘且猶不欲死況君乎
俯泣晏子曰樂哉今日嬰之遊也見怯君一而諛臣
二使古而無死者則大公至今猶存吾君方將被策
笠而立乎畎畝之中惟事之恤何暇念死乎公慙舉
觴自罰因罰二臣晏子同列子作史孔梁邱據

三十二年

昭二十六年

齊有彗星公使禳之嬰曰無益也祇

取誣焉天道不諂不貳其命若之何禳之且天之有彗
也以除穢也君無穢德又何禳焉若德之穢禳之何損

詩曰惟此文王小心翼翼昭事上帝聿懷多福厥德不
回以受方國君無違德方國將至何患于彗詩曰我無
所監夏后及商用亂之故民卒流亡

逸詩也

若德回亂民

將流亡祝史之為無能補也公說乃止公與嬰坐于路
寢公歎曰美哉室其誰有此乎嬰曰敢問何謂也公曰
吾以為在德對曰如君之言其陳氏乎陳氏雖無大德
而有施於民豆區釜鍾之數其取之公也薄其施之民
也厚公厚歛焉陳氏厚施焉民歸之矣詩曰雖無德與

女式歌且舞陳氏之施民歌舞之矣後世若少惰陳氏而不亡則國其國也已公曰善哉是可若何對曰唯禮可以已之在禮家施不及國民不遷農不移工賈不變士不濫官不滔大夫不收公利公曰善哉吾今而後知禮之可以為國也對曰禮之可以為國也久矣與天地並君令臣共父慈子孝兄愛弟敬夫和妻柔姑慈婦聽禮也公曰善哉寡人今而後聞此禮之上也對曰先王所稟于天地以其為民也是以先王上之

左傳

孔叢子夫子適齊晏子就其館既宴其私焉曰齊其危矣若載無轄之車臨千仞之谷其不顛覆亦難也子或可救幸不吾隱夫子曰死病無醫夫政令者齊君失之久矣子欲挾輶而扶輪良弗及也抑猶可以終齊君及子之身過此以往齊其田氏矣

四十八年

定十年

嬰卒

史記

諡曰平

水經注嬰為諡曰吾生則近市死豈易志乃葬故宅

後人名之曰清節里

公嘗飲酒陳無宇侍望見嬰而復于公曰請浮晏子晏子衣緇布之衣麋鹿之裘棧軫之車而駕騶馬以朝是隱君之賜也公曰諾嬰避席曰請飲而後辭乎辭而後飲乎公曰辭然後飲嬰曰君之賜卿位以尊其身嬰非敢為顯受也為行君令也寵以百萬以富其家嬰非敢為富受也為通君賜也臣以君之賜父之黨無不乘車者母之黨無不足衣食者妻之黨無凍餒者國之間士

待臣而舉火者數百家如此者為彰君賜乎為隱君賜乎公曰善為我浮無字也

晏子

說苑晏子朝乘敝車駕駕馬公見之曰嘻夫子之祿寡邪何乘不任之甚也對曰賴君之賜得以壽三族及國交遊皆得生焉臣飽食暖衣敝車駕馬以奉其身于臣足矣晏子出公遺之輅車乘馬三返不受公召晏子晏子至曰君使臣臨百官之吏節其飲食以先國人猶恐其侈而不顧其行也今輅車乘馬君乘

之上臣乘之下民之無義侈而不顧其行者臣無以
禁之遂讓不受說苑齊人好轂擊相犯以為樂晏子
患之乃為新車良馬出與人相犯也曰轂擊者不祥
下車棄而去之國人乃不為說苑景公好婦人而丈
夫飾者國人盡服之公使禁之裂衣斷帶而不止晏
子曰服之于內而禁之于外猶懸牛首于門而求買
馬肉也公曰善使內勿服不旋月而國莫之服新序
公飲酒而樂釋衣冠自鼓缶曰速駕迎晏子晏子朝

服而至公曰寡人甚樂此樂願與夫子共之請去禮
晏子對曰齊國五尺之童子力盡勝嬰而勝君所以
不敢亂者畏禮也上無禮無以使下下無禮無以事
上詩曰人而無禮胡不遄死故禮不可去也公曰善
請革衣冠更受命

公出弋昭華之池顏鄧聚主鳥而亡之公怒欲殺之嬰
曰鄧聚有死罪四請數而殺之公曰諾嬰曰鄧聚為吾
君主鳥而亡之罪一使吾君以鳥之故殺人罪二使諸

侯以吾君重鳥而輕士罪三天子聞之必將貶黜吾君
罪四此四罪者故當殺無赦公曰止吾過矣又有得罪
于公者公大怒召左右支解之敢諫者誅嬰左持頭右
磨刀仰而問曰古者明王聖主其支解人從何支始公
離席曰縱之罪在寡人

韓詩
外傳

晏子說苑略同說苑公遊於壽宮覩長年負薪而有
飢色令吏食之嬰曰臣聞之樂賢而哀不肖守國之
本也愛老而恩無不逮治國之本也請求老弱之不

養鰥寡之不室者論而供秩焉公覩嬰兒有乞于塗者公曰是無歸夫嬰曰君存何為無歸使養之可立而以聞說苑景公探爵鼃鼃弱反之晏子聞之不待請而入見公汗出惕然晏子逡巡北面再拜而賀之曰吾君有聖王之道矣君探爵鼃鼃弱反之是長幼也吾君仁愛禽獸之加而況于人乎

嬰事三公以節儉力行重於齊既相齊食不重肉妾不衣帛其在朝君語及之即危言語不及之即危行國有

道即順命無道即衡命以此三世顯名于諸侯

史記

新序公問晏子曰忠臣之事君也何若對曰忠臣也者能盡于善君而不能與陷于難說苑晏子侍于景公朝寒請進熟食對曰嬰非厨養臣也請進服裘對曰嬰非田澤臣也公曰然夫子于寡人奚為者也曰社稷臣也曰何為社稷之臣對曰社稷之臣能立社稷辨上下之宜使得其理制百官之序使得其宜作為辭令可分布于四方也

所著有晏子子圉悼公元年

哀六年

陳鮑攻高國圉及國

圉高張奔魯

左傳

論曰子長記管晏特于執蓋者越石父三致意焉蓋其
憤惋蘊中假物以鳴焉者執鞭之歎可見已予故嘗曰
史記有所為而為之非公天下之書也夫史所以紀事
也權衡古人我無與焉斯為尚乎予列次其事用傳疑
信匪求異也

尚史卷三十六

欽定四庫全書

尚史卷三十七

列傳十五

鑲白旗漢軍李鐸撰

齊諸臣傳

陳完

敬仲

夷孟思

閔孟克

陳湏無

文子

陳無

宇

桓子

陳開

武子

陳書

陳完者陳厲公子敬仲也其少也周史有以周易見陳

侯者陳侯使筮之遇觀三三

坤下三

之否三三

坤下三

曰是

謂觀國之光利用賓于王此其代陳有國乎不在此其

在異國非此其身在其子孫光遠而自他有耀者也坤

土也巽風也乾天也風為天子土上山也

正卦三四五爻為艮變卦

二三四爻亦為艮故曰山也此互體

有山之材而照之以天光于是乎居

土上故曰觀國之光利用賓于王

四為諸侯變而之乾有國朝王之象庭

實旅百奉之以玉帛天地之美具焉故曰利用賓于王

艮為門庭乾為金玉坤為布帛諸侯朝王陳贊幣之象

猶有觀焉故曰其在後乎

風行而著于土故曰其在異國乎

風動物行而著于土故不在本國

若

在異國必姜姓也姜大嶽之後也山嶽則配天物莫能

兩大陳衰此其昌乎懿氏

陳大夫

卜妻完其妻占之曰吉

是謂鳳皇于飛和鳴鏘鏘有姁之後將育于姜五世其

昌並於正卿八世之後莫之與京桓公十四年

莊二十二年

陳人殺宣公太子御寇完奔齊桓公使完為卿辭曰羈

旅之臣幸若獲宥及于寬政赦其不閑于教訓而免于

罪戾弛于負擔君之惠也所獲多矣敢辱高位以速官

謗請以死告詩云翹翹車乘招我以弓豈不欲往畏我

友朋使爲工正飲公酒樂公曰以火繼之辭曰臣卜其

晝未卜其夜不敢

左傳

卒諡敬仲子夷孟思

史記作
稱孟懿

夷孟思之

子曰閔孟克

史記作
閔孟莊

閔孟克之子曰陳須無

系本

陳須無者完曾孫文子也莊公四年

襄二十
三年

公伐衛自

衛將伐晉晏嬰及崔杼諫不聽須無見杼曰將如君何

杼曰吾言于君君弗聽也以爲盟主而利其難

晉有樂
孟之難

羣臣若急君于何有子姑止之須無退告其人曰崔子將

死乎謂君甚而又過之不得其死過君以義猶自抑也

況以惡乎五年

襄二十四年

公既伐晉而懼將欲見楚子楚

子使遠啟疆來聘且請期齊杜蒧軍實使客觀之須無

曰齊將有寇吾聞之兵不戢必取其族崔杼見棠姜欲

取之筮之遇困三三

坎下兌上困

之大過三三

巽下兌上大過

史皆

曰吉示須無須無曰夫從風

坎為中男變而為巽故曰夫從風

風墮妻

不可娶也且其繇曰困于石據于蒺藜入于其宮不見

其妻凶困于石往不濟

坎為險為水水之險者石不可以動

據于蒺藜所

恃傷也

坎為險先為澤澤之生物而險者蒺藜恃之則傷

入于其宮不見其妻

凶無所歸也

六三失位無應則喪其妻失其所歸也

杼曰發也何害先夫

當之矣遂取之及後棠無咎東郭偃亂崔氏慶封滅之

卒如其占景公二年

襄二十七年

宋向戌欲弭諸侯之兵以

為名如晉晉許之如楚楚亦許之如齊齊人難之湏無

曰晉楚許之我焉得已且人曰弭兵而我弗許則固携

吾民矣將焉用之齊亦許之夏六月湏無及慶封會諸

侯之大夫于宋三年

襄二十八年

公朝于晉宋之盟故也將

行慶封曰我不與盟何為于晉湏無曰先事後賄禮也

小事大未獲事焉從之如志禮也雖不與盟敢叛晉乎

重邱之盟未可忘也

重邱盟在二十五年

子其勸行慶封好田而

耆酒與慶舍政

封舍慶

十一月乙亥嘗于大公之廟樂高

陳鮑之徒殺慶舍公懼須無以公歸稅服而如內宮慶

封伐內宮弗克遂出奔

左傳

須無卒諡曰文子無宇

陳無宇完五世孫桓子也無宇逮事靈公靈公十五年

襄六年

公滅萊無宇獻萊宗器于襄宮莊公五年

襄二十四年

楚使遠啟疆來聘且請會期秋聞將有晉師使無字從
遠啟疆如楚辭且乞師冬楚子伐鄭以救我諸侯還救

鄭楚子自棘澤還師遠啟疆帥師送無字以歸六年襄

十五年莊公被弑弟景公立景公三年襄二十八年國人將討

慶封湏無謂無字曰禍將作矣吾其何得對曰得慶氏
之木百車于莊湏無曰可慎守也已善無字不志于貨財可慎守其家也

冬十月慶封田于萊無字從湏無使召之請曰無字之
母疾病請歸慶封卜之示之兆曰死無字奉龜而泣乃

使歸無字濟水而戕舟發梁遂殺慶舍八年

昭二年四月

晉韓須

韓起之子

來逆女無字送女致少姜晉謂無字非卿

執諸中都少姜為之請曰送從逆班畏大國也猶有所

易是以亂作十月無字歸十六年

昭十年

惠樂高氏皆耆

酒彊于陳鮑氏而惡之有告無字曰子旗

即樂施

子良

即高

彊將攻陳鮑亦告鮑氏無字授甲而如鮑氏遂見鮑國

則亦授甲矣使視二子則皆將飲酒無字曰彼雖不信

聞我授甲則必遂我及其飲酒也先伐諸遂伐樂高氏

敗之樂施高彊奔魯陳鮑分其室晏嬰說無宇無宇盡

致諸公而請老于莒子山子商子周者皆羣公子公孫

蕢逐之至是無宇反之私具幄幕器用從者之衣履而

反棘焉

棘子山邑

子商亦如之而反其邑子周亦如之而與

之夫子皆益其祿凡公子公孫之無祿者私分之邑國

之貧約孤寡者私與之粟公與無宇莒之旁邑辭穆孟

姬

景公母

為之請高唐陳氏始大卒諡曰桓子三開乞書

乞見逆臣傳開字子彊是為陳武子景公三十二年

昭二

十六年公納魯昭公師及魯師戰于炊鼻冉豎季氏臣射開

中手失弓而罵以告季孫意如曰有君子白皙鬢鬚眉甚口意如曰必子彊也無乃亢諸對曰謂之君子何敢

亢之左傳

卒諡曰武

晏子公孫接田開疆古冶子事景公以勇力搏虎聞晏子曰君蓄勇力之士也無長幼之禮請餽之二桃曰三子計功而食公孫接曰接一搏弱而再搏乳虎

若接之功可以食桃援桃而起田開疆曰吾伏兵而卻三軍者再開疆之功可以食桃援桃而起古冶子曰吾嘗從君濟于河鼃啣左驂以入砥柱之流冶逆流百步順流九里得鼃而殺之左操驂尾右挈鼃頭鶴躍而出若冶之功可以食桃二子何不反桃抽劍而起公孫接田開疆曰吾勇不子若功不子逮取桃不讓貪也然而不死無勇也皆反其桃挈領而死古冶子曰二子死之治獨生之不仁耻人以言而夸其

聲不義恨乎所行不死無勇亦反其桃挈領而死。

所謂田開疆者或即武子

書字子占是為孫書書事景公高發伐莒莒子奔紀鄆
莒使書伐之初莒有婦人莒子殺其夫已為嫠婦及老
託于紀鄆紡焉以度而去之及師至則投諸外或獻諸

書書使師夜緦而登登者六十人緦絕師鼓譟城上之

人亦譟莒共公懼啟西門而出我師入紀簡公元年

哀十

一年魯會吳伐我書凡乞謂書爾死我必得志書曰此行

也吾聞鼓而已不聞金矣陳逆者字子行亦命其徒具

含玉以示必死及戰于艾陵大敗我師書死之逆免

左傳

論曰四時之序各以子代秋之于夏則從所不勝伏金
越母而代之盛盛則殺天之道也姜興莫盛于桓而敬
仲來伏金之道可畏哉

苑何忌 烏枝鳴

烏餘附

郤意茲 萊章

苑何忌烏枝鳴者並齊大夫景公二十六年

昭二公使十年

公孫青聘于衛適衛亂青將事有禮衛定而告寧于我

且言青公將飲酒徧賜大夫曰二三子之教也苑何忌
辭曰與子青之賞必及于其罰在康誥曰父子兄弟罪
不相及況在羣臣臣敢貪君賜以干先王二十七年十

年宋華氏叛華登以吳師救華氏時烏枝鳴戎宋齊師

宋師敗吳師華登帥其餘以敗宋師烏枝鳴曰用少莫

如齊致死齊致死莫如去備備長兵也彼多兵矣請皆用劔

從之遂敗華氏會苑何忌及晉衛之帥救宋大敗華氏

圍諸南里三十二年二十六年公納魯昭公師及魯師戰于

炊鼻苑何忌取林雍耳斷其足以歸後有烏餘者亦齊

大夫事具晉傳

左傳

邴意茲者齊大夫景公五十一年

定十三年公及衛靈公次

于垂葭使師伐晉將濟河諸大夫皆曰不可邴意茲曰

可銳師伐河內傳必數日而後及絳絳不三月不能出

河則我既濟水矣乃伐河內公皆飲諸大夫之軒唯邴

意茲乘軒悼公元年

哀六年

陳乞攻國夏高張高國敗邴

意茲奔魯萊章者亦齊大夫平公十年

哀二十四年

晉伐我

取廩邱軍吏令繕將進萊章曰君卑政暴往歲克敵

謂前

年禽顏庚今又勝都天奉多矣又焉能進是僇言也

僇過役

將班矣晉師果還

左傳

殖綽 郭最 州綽

殖綽郭最皆齊大夫勇士也事靈公靈公二十七年

襄十

年八晉會諸侯伐我公禦諸平陰公登巫山以望晉師畏

其衆也乃脫歸晉人從我師夙沙衛殿

衛齊寺人

殖綽郭最

曰子殿國師齊之辱也子姑先乎乃代之殿衛殺馬于

隘以塞道衛恨其言故塞晉州綽及之射殖綽中肩兩

矢夾脰曰止將為三軍獲不止將取其裘殖綽顧曰為

私誓州綽曰有如日乃弛弓而自後縛之其右具丙亦

舍兵而縛郭最皆衿甲面縛坐于中軍之鼓下遂至齊

都焚我四郭州綽門于東閭左驂迫還于東門中以枚

數闔枚馬提闔門扇而還殖綽郭最尋復歸齊及莊公立夙沙

衛以高唐叛莊公圍之殖綽夜縋納師遂醢衛莊公二

年襄二十一年州綽以樂盈黨來奔公朝指殖綽郭最曰是

寡人之雄也州綽曰君以為雄誰敢不雄然臣不敏平
陰之後先二子鳴公為勇爵殖綽郭最欲與焉州綽曰
東閭之後臣左驂迫還于門中識其枚數其可以與于
此乎公曰子為晉君也對曰臣為隸新然二子者譬于
禽獸臣食其肉而寢處其皮矣公被弑州綽死之殖綽後
之衛孫林父叛衛晉為之戍茅氏殖綽伐茅氏殺晉戍
三百人孫蒯追之孫氏臣雍鉏獲綽

左傳

東郭書

敝無存

王猛

犂彌

顏唐

顏晉附

東郭書傲無存王猛犂彌皆齊人景公四十七年

定九年

公伐晉夷儀傲無存之父將室之以與其弟曰此役也

不死反必娶于高國至夷儀傲無存先登求自門出死

于雷下東郭書讓

登城非人所樂故讓衆使後而已先登

犂彌從之曰子

讓而左我讓而右使登者絕而後下

使登城者盡終而後下入城蓋彌謫

書恐其先下也

書左彌先下書與王猛息猛曰我先登書飲甲

曰曩者之難今又難焉

言登城有犂彌之難今又有王猛之難

猛笑曰吾

從子如驂之靳

靳車中馬言如驂馬之隨靳也

遂克夷儀晉車千乘在

中牟伐我于五氏敗我師公賞犁彌犁彌辭曰有先登

者臣從之暫憤而衣狸製

暫白憤齒上下相值製裘也

公使視東郭

書曰乃夫子也吾貺子公賞東郭書辭曰彼賓旅也

彼謂

犁彌言彼與我若賓主相讓旅俱進退

乃賞犁彌公謂夷儀人曰得敝無

存者以五家免乃得其尸公三襚之

襚衣也比殯三加襚衣

與之

犀軒與直蓋

犀軒卿車直蓋高蓋

而先歸之坐引者以師哭之親

推之三四十八年

定十年

公會魯定公于夾谷犁彌言于

公曰孔邱知禮而無勇若使萊人以兵劫魯侯必得志

焉公從之孔邱令以兵擊萊人責公公遽辟之歸魯汶

陽之田簡公元年

哀十一年

魯會吳伐我東郭書曰三戰

謂夷

儀五氏與今

必死于此矣戰于艾陵軍敗書死之又有顏庚

者是為顏涿聚

韓詩外傳有顏鄫聚為景公主烏者事具晏子傳

平公九年

哀二十二年

十三年

齊晉戰于犁邱顏庚死之庚子晉十三年

哀二十七年

晉伐鄭齊將救之陳恒屬狐子三日朝設乘車兩馬繫

五邑焉召顏晉曰隰之役

即犁邱

而父死焉以國之多難

未女恤也今君命女以是邑也服車而朝毋廢前勞

左傳

論曰邴萊測敵若觀火而邴獨乘軒國君固以進為多矣州綽翳旅東郭微者然從難從師有死無貳管蒯雖賤絲麻同功若夫加三襪繫五邑亦所以忠厚報下也

徒人費

石之紛如
孟陽附

徒人費者齊賤役也襄公十二年

莊八年

公游于姑棼田

于貝邱見大豕人立而啼懼隊于車傷足喪屨反誅屨于徒人費弗得鞭之見血走出適連稱管至父作亂遇之于門刼而束之費曰我奚御哉袒而示之背信之費

請先入伏公而出鬪死于門中石之紛如死于階下遂
入殺孟陽于牀曰非君也不類見公之死于戶下遂弑公
石之紛如孟陽皆齊小臣

左傳

逢丑父 邲夏

逢丑父邲夏皆事頃公頃公十年

成二年

晉卻克會魯衛

之師以伐我陳于鞏邲夏御公逢丑父為右及戰我師
敗績晉韓厥中御而從公邲夏曰射其御者君子也公
曰謂之君子而射之非禮也射其左越于車下射其右

斃于車中丑父與公易位將及華泉驂絰于木而止丑

父寢于輅中

輅士車

蛇出于其下以肱擊之傷而匿之故

不能推車而及韓厥執繁馬前奉觴加璧以進丑父使
公下如華泉取飲公免韓厥獻丑父卻克將戮之呼曰
自今無有代其君任患者有一于此將為戮乎卻克曰
人不難以死免其君我戮之不祥赦之以勸事君者乃
免之公既免求丑父三入三出

左傳

申鮮虞 問邱嬰

傳 齊問 邱明附

祝佗父

申蒯

駢茂

附

申鮮虞問邱嬰者莊公近臣崔杼弑莊公問邱嬰以帷
縛其妻而載之與申鮮虞乘而出鮮虞推而下之曰君
昏不能匡危不能救死不能死而知匿其暱其誰納之
行及奔中狹道將舍嬰曰崔慶其追我鮮虞曰一與一誰
能懼我言道狹一人敵一人耳遂舍枕轡而寢食馬而食駕而行
出奔中謂嬰曰速驅之崔慶之衆不可當也遂奔魯僕
賃于野以喪莊公楚人召鮮虞鮮虞如楚為右尹鮮虞

子傅摯亦事莊公以武力聞崔慶敗間邱嬰復于齊

嬰復

齊傳不載

景公四年

襄二十九年

公孫蠆放高止於北燕其子豎

以盧叛嬰帥師圍盧豎奔晉六年

襄三十一年

公孫蠆害嬰

欲殺之使帥師伐陽州魯問師故蠆殺嬰以說于魯師

嬰子問邱明悼公三年

哀八年

我及魯平明如魯涖盟且

逆季姬以歸六年

哀十一年

魯會吳伐我宗樓

字子陽齊大夫

將下

軍與明相厲及戰于艾陵明死之

左傳

祝佗父者莊公之嬖臣也崔杼弑莊公佗父祭於高唐

至復命不說弁

爵弁祭服
說同說

而死于崔氏申蒯者侍漁者

也退謂其宰曰爾以幣免我將死其宰曰免是反予之

義也與之皆死杼又殺駸蔑于平陰駸蔑者平陰大夫

亦公之外嬖也時賈舉

勇力之士
非侍人

州綽邱師公孫教封

具鐸父襄伊儂堙皆死之

左傳

韓詩外傳崔杼弑莊公荆蒯芮使晉而反其僕曰君

無道諸侯莫不聞夫子死之不亦難乎荆蒯芮曰善

哉而言也早言我能諫諫而不用我能去今既不諫

又不去吾食亂君之食又安得治君而死之遂驅車而死僕曰人有亂君猶必死之我有治長可無死乎乃結轡自刎于車上新序崔杼弑莊公有陳不占者聞難將赴之比去餐則失匕上車失軾御者曰怯如是去有益乎不占曰死君義也無勇私也不以私害公遂往聞戰聲恐駭而死

南史氏

南史氏者齊史也崔杼弑莊公大史書曰崔杼弑其君

杼弑之其弟嗣書而死者二人其弟又書乃舍之南史
氏聞大史盡死執簡以往聞既書矣乃還

左傳

韓詩外傳田常弑簡公盟于國人曰不盟者死及家
石他曰舍君以全親非忠也舍親以死君非孝也乃
進盟以免父母退伏劍以死新序陳恒弑君使勇士
六人劫子淵棲子淵棲曰子之欲與我以我為知乎
臣弑君非知也以我為仁乎見利而背君非仁也以
我為勇士劫我以兵懼而與子非勇也吾無此三者

何補于子有此三者終不從子矣乃舍之孔叢子東
郭亥欲攻田氏執贄見夫子而訪焉夫子揖子貢使
答之子貢曰子士也位卑而圖大位卑則人不附圖
大則人憚之殆非子之任也馬方駭鼓而驚之繫方
絕重而填之其危必矣東郭亥免戰而跪曰已矣願
子無言既而夫子曰亥欲為義者也告之以難易可
矣奚至懼之哉

論曰晏子有云君為已死非其私暱誰敢任之嘻死固

有未易者夫雖然厚祿之家見危而遷動以君市者佗
佗乎與此有間乎大史氏蹈白刃以整天紀盾昭杼昏
蓋難為董狐之直哉

諸公子傳 公子無虧 公子雍 太子舍 公

子彊

公子無虧

史作無說

字武孟桓公子長衛姬之所生也桓公

二十六年

閔二年

狄滅衛宋立戴公以廬于曹桓公使無

虧帥車三百乘甲士三千人以戌曹歸公乘馬祭服五

稱牛羊豕雞狗皆三百與門材

材本也便立門戶

歸夫人魚軒

重錦三十兩四十二年

僖十七年

公既立孝公為大子又許

雍巫

即易牙

立無虧冬十月公卒雍巫與寺人貂殺羣吏

而立無虧孝公奔宋明年宋襄公以諸侯伐我三月我

殺無虧宋立孝公而還

左傳

公子雍亦桓公子宋華子之所生也桓公卒無虧立孝

公元年

僖十八年

宋伐我我殺無虧雍及元潘商人四公子

之徒與宋人戰師敗雍奔楚五年

僖二十六年

魯僖公以楚

師伐我取穀寘雍于穀雍王奉之以為魯援楚申公叔

侯戎之

左傳

桓公子六昭元潘商人無虧雍昭為孝公元為惠公潘為昭公商人為懿公無虧立而見殺雍卒不得立傳曰桓公之子七人為上大夫于楚蓋莫可考云

太子舍昭公子子叔姬之所生也叔姬無寵舍無威昭

公二十年

文十四年

公薨子舍立秋七月商人弑之而自立

左傳

公子彊公子角公子固公子鑄皆頃公子頃公七年

宣十

年^七我怒晉卻克夏會于斷道晉執我使明年頃公會晉

侯盟于繒以彊為質于晉晉師還靈公八年

成十七年

公會

伐鄭聲孟子誣高無咎鮑牽將不納公而立公子角高

鮑由是得罪公子固字子成鑄字子工景公十四年

昭八年

年公孫蠆卒欒施殺梁嬰

蠆家宰

而逐固及鑄皆奔魯欒

高敗陳無字反之而皆並其祿

左傳

公子牙 公子鉏 荼 買 嘉 駒 黔

公子牙靈公子母曰仲子仲生牙而屬諸戎子戎子請

以為大子許之靈公遂東大子光使高厚傅牙為大子

公疾崔杼逆光立之執牙于句瀆之邱公子鉏公子買

買一作買公子嘉公子駒公子黔皆羣公子也鉏居魯之南

郭故又謂之南郭且于莊公二年襄二十一年公復討公子

牙之黨執買于句瀆之邱鉏奔魯叔孫還奔燕還亦齊

之公族也景公三年襄二十八年崔杼死慶封出亡公乃皆

召之具其器用而反其邑七年昭元年鉏納去疾莒君密州子

于莒是為著邱公三十二年昭二十年公將納魯昭公使鉏帥

師從之戰于炊鼻不克納而還五十八年

哀五年

公疾使

立安孺子荼而寘羣公子于萊公薨嘉駒黔奔衛鉏及

陽生

即悼公

奔魯故萊人歌之曰景公死乎不與埋三軍

之事不與謀師乎師乎何黨之乎

黨所之往也

明年陳乞召

陽生陽生駕而見鉏曰嘗獻馬于季孫不入于上乘故

又獻此請與子乘之出萊門而告之故遂行陽生竟得

立

左傳

晏子景公有男五人所使傅之者皆有車百乘者也

晏子為一馬公召其傅曰勉之將以而所傳為子及
晏子晏子辭曰君命其臣據其肩以盡其力臣敢不
勉乎今人人命之曰將以而所傳為子此樹黨傾國
之道也嬰不敢受命晏子淳于人納女于景公生孺
子荼公愛之諸田欲廢公子陽生而立荼公以告晏
子晏子曰不可廢長立少不可以教下尊尊卑宗不
可以利所愛長少無等譬無別樹姦之本也不聽公
沒田氏殺君荼立陽生殺陽生立簡公殺簡公而取

齊國

公孫竈

樂氏子雅

公孫薑

高氏子尾

樂施王黑附

高彊

公孫竈公孫薑者皆惠公孫竈字子雅所謂樂氏也薑

字子尾所謂高氏也竈薑厯事頃靈莊三公景公時慶

封當國慶封好田而耆酒與慶舍

封之子

政又嬖盧蒲癸

與王何

癸與何皆莊公黨

癸與何將謀慶氏故怒諸大夫及竈

與薑慶封知之與諸大夫共謀樂高氏景公三年

襄二十八年

年冬十月慶封田于萊盧蒲癸王何將攻慶氏十一月

嘗于大公之廟慶舍泣事癸何執寢戈蠆抽桷擊扉三
癸自後刺之何以戈擊之慶舍死慶封奔魯公與蠆邑
辭多受少與蠆邑受而稍致之公以為忠故樂高又有

寵四年

襄二十九年

寵蠆放大夫高止于北燕五年

襄三十九年

蠆

及諸侯之大夫會于澶淵宋災故六年

襄三十一年

蠆害間

邱嬰使伐魯復殺之以說于魯于是工儻灑消寵孔虺

賈寅

四子嬰之黨

出奔莒出羣公子子山子商子周九年

昭三

年晉少姜卒嗣昏于我韓起來逆女蠆為少姜之有寵

也以其子更公女而嫁公子

更嫁公女也公女變文耳九月竈放

盧蒲癸于北燕

癸變封黨

是年十月竈卒又五年蠆卒

韓非子景公之晉問政于師曠師曠曰君必惠民而已矣公歸思得師曠之所謂公子尾公子夏家富而民說之此危吾位者也謂我惠民者使與二弟爭民邪于是發粟散財惠施于民居二年子夏逃楚子尾走晉緣其子樂施高彊誤二弟出嘗出仁

竈子樂施蠆子高彊施字子旗彊字子良景公八年

昭二

年晉韓起來納幣聘少姜見竈竈召施使見起起曰非

保家之主也不臣見蠆蠆見彊起謂之如施大夫多笑之

唯晏嬰信之曰夫子君子也君子有信其有以知之矣

及蠆卒施欲治其室

欲并治子良之家政

殺梁嬰

子尾家宰

而立彊之

宰其臣曰孺子長矣而相吾室欲兼我也授甲將攻之

陳無宇善于蠆亦授甲將助之或告施施不信則數人

告將往又數人告于道遂如陳氏無宇將出矣聞之而

還游服而逆之施請命對曰聞彊氏授甲將攻子子聞

諸曰弗聞子盍亦授甲無宇請從施曰子胡然彼孺子

也吾誨之猶懼其不濟吾又寵秩之其若先人何子盍

謂之周書曰惠不惠茂不茂康叔所以服弘大也無宇

稽首曰頃靈

頃公靈公樂氏所事之君

福子吾猶有望遂和之如初

樂高氏皆耆酒信內多怨彊于陳鮑氏而惡之十六年

昭十年

夏有告陳無宇曰子旗子良將攻陳鮑亦告鮑氏

陳鮑方睦遂伐樂高氏彊曰先得公陳鮑焉往遂伐虎

門公卜使王黑

齊大夫

以靈姑鉞

公旗名

率吉請斷三尺焉

而用之

明不敢與君同

五月戰于稷樂高敗又敗諸莊國人追

之又敗諸鹿門施彊奔魯會叔孫婼至自晉大夫皆見

高彊見而退婼語諸大夫曰為人子不可不慎也哉昔

慶封亡子尾多受邑而稍致諸君君以為忠而甚寵之

將死疾于公宮輦而歸君親推之其子不能任是以在

此忠為令德其子弗能任罪猶及之難不慎也喪夫人

之力棄德曠宗以及其身不亦害乎後適晉五十一年

定十三年

晉知韓魏奉晉侯以伐范氏中行氏弗克二子伐

晉侯彊曰三折肱知為良醫唯伐君為不可民弗與也
我以伐君在此矣三家未睦可盡克也克之君將誰與
若先伐君是使睦也弗聽遂伐晉侯師敗奔朝歌明年
晉人敗之于潞獲彊

左傳

公孫捷 公孫青

公孫捷又曰淵捷字子車頃公孫景公十四年

昭八年

樂

施逐之奔魯十六年

昭十年

陳無宇反之三十二年

昭二十六年

年公使納魯昭公師及魯師戰于炊鼻捷從洩聲子

魯大

夫射之中楯瓦

瓦楯脊

繇胸汰軻七入者三寸

胸車軻軻車轅繇過

汰夫激也夫鐵

聲子射其馬斬鞅殪改駕魯人以為馮戾

魯叔孫氏

司馬也而助之捷曰齊人也魯人將擊捷捷射之殪其御

曰又之捷曰衆可懼也而不可怒也公孫青字子石亦

頃公孫景公二十六年

昭二十

衛齊豹之亂靈公如死鳥

衛地

會公使青聘于衛既出聞衛亂使請所聘公曰猶在

竟內則衛君也乃將事焉遂從諸死鳥請將事辭曰亡

人不佞失守社稷越在草莽吾子無所辱命青曰寡君

命下臣于朝曰阿下執事臣不敢貳衛人曰君若惠顧
先君之好照臨敝邑鎮撫其社稷則有宗祧在乃止靈
公固請見之不獲命以其良馬見為未致使故也靈公
以為乘馬青將叔

行夜也

衛人辭曰亡人之憂不可以及

吾子草莽之中不足以辱從者敢辭青曰寡君之下臣
君之牧圉也若不獲扞外役是不有寡君也臣懼不免
于戾請以除死親執鐸終夕與于燎及靈公入告寧于
齊且言青公將飲酒徧賜大夫曰二三子之教也

左傳

公孫皙 公孫僂 公孫夏 公孫揮

公孫皙公孫僂公孫夏公孫揮蓋皆公族也並為大夫

景公十三年

昭七年

公將納北燕伯次于號燕人行成皙

曰受服而退俟釁而動可也不克納而還十八年

昭十七年

晉平公以公宴荀吳相投壺平公先荀吳曰有酒如淮

有肉如坻寡君中此為諸侯師中之公舉矢曰有酒如

澠有肉如陵寡人中此與君代興亦中之僂趨進曰日

盱君勤可以出矣以公出簡公元年

哀十一年

魯會吳伐我

國書將中軍高無平將上軍宗樓將下軍宗樓與閭邱

明相厲

相勸厲致死

桑掩胥御國書公孫夏曰三子必死

亦勸

厲致死

將戰夏命其徒歌虞殯公孫揮命其徒曰人尋約

約繩也尋八尺也欲以繩貫首也

吳髮短及戰大敗我師夏死之揮免

左傳

論曰桓啟內難景復踵之死無與埋猶之尸蟲出尸也

國既內潰而姦臣緣隙以斷喪之姜氏之祀疏屬莫尸

矧夫兄弟伯叔哉殷士膚敏裸將于京傷絕祀也

逸民傳 桃父丈夫 小臣稷 愚公 郭墟野

人

桃父丈夫者裒衣應步帶著桃父桓公出遊怪而問之
曰是何名何經所在何篇所居何以斥逐何以避余丈
夫曰是名二桃桃之為言亡也夫日日慎桃何患之有
故亡國之社以戒諸侯庶人之戒在于桃父公說其言
與之共載明年正月庶人皆佩韓詩外傳

又有處士曰小臣稷桓公三往而弗得見公曰吾聞布

衣之士不輕爵祿無以易萬乘之主萬乘之主不好仁

義無以下布衣之士于是五往乃得見之

韓非子。新序同。

又有愚公者隱于齊桓公出獵逐鹿入谷見一老公而問之曰是為何谷對曰為愚公之谷曰何故曰以臣名之曰視公之狀非愚人也何為以公名對曰臣故畜牸牛生子而大賣之而買駒少年曰牛不能生馬遂持駒去傍鄰聞之以臣為愚故名此谷為愚公之谷公曰公誠愚矣何為而與之公歸以告管夷吾夷吾正衿再拜

曰此夷吾之愚也公之獄訟之不正故與之耳請退而
修政孔子曰弟子記之桓公霸君也管仲賢佐也猶有
以智為愚者也又有郭墟野人者桓公出遊見亡國故
城郭氏之墟問于野人曰是為何墟野人曰是為郭氏
之墟公曰郭氏何為墟曰郭氏善善而惡惡公曰善善
而惡惡其所以為墟者何也曰善善而不能行惡惡而
不能去是以為墟也公歸以語夷吾夷吾曰其人為誰
公曰不知也夷吾曰君亦一郭氏也于是公召野人而

賞焉

新序

說苑桓公設庭燎為士之欲造見者期年士不至東
野鄙人有以九九之術見者公曰九九何足以見乎
鄙人對曰臣聞君設庭燎以待士期年士不至夫士
所以不至者君賢君也士皆自以論不及君故不至
也夫九九薄能耳而君猶禮之况賢于九九乎夫泰
山不辭壤石江海不逆小流所以成大也詩云先民
有言詢于芻蕘言博謀也公曰善乃禮之期月四方

之士相携而至

虞人 麥邱封人

虞人者齊掌山澤之官景公田于沛招虞人以弓不進
公使執之辭曰昔我先君之田也旃以招大夫弓以招
士皮冠以招虞人臣不見皮冠故不敢進乃舍之仲尼
曰守道不如守官君子韙之

左傳

景公遊于麥邱問其封人曰年幾何矣對曰鄙人之年
八十五矣公曰壽哉子其祝我封人曰使君之年長于

胡宜國家公曰善哉子其復之使君之嗣壽皆若臣公
曰善哉子其復之使君無得罪于民公曰民得罪于君
則可安有君得罪于民者乎晏嬰曰君過矣敢問桀紂
君誅乎民誅乎公曰寡人固也于是賜封人麥邱以為

邑

晏子
序作桓公新

越石父

於陵子附

越石父齊人也晏嬰之晉見反裘負芻息于塗者以為
君子也使人見焉曰曷為而至此對曰齊人累之名為

越石父嬰曰諶遽解左駟以贖之載而與歸至舍勿辭而入越石父請絕嬰曰嬰未嘗得交也今免子于患吾于子猶未邪越石父曰吾聞君子屈乎不已知者而伸乎已知者吾是以請絕也嬰出見之曰嚮也見客之容而已今也見客之志嬰聞察寔者不留聲觀行者不譏

辭嬰可以辭而無棄乎遂以為客

呂氏春秋

於陵子於陵子齊人居楚齊楚有重邱之役也問于於陵子曰齊子產也楚子居也今二國構兵子將奚

直於陵子曰古者諸侯擅誅伐天子得按其臯而輕
重之然湯殲葛桀未放也西伯戡黎紂未亡也彼所
謂聖人者且首于而靡悔焉矧蔑天子未有如今者
乎昔者泰山與江漢爭王兩京之下泰山矢曰弗讓
吾飄塵以實彼溝澮且不為齊主江漢亦矢曰弗汜
吾淤漚以蕩彼培塿且不為楚雄于是有中州之蝸
將起而責其是非欲東之泰山會程三千餘歲欲南
之江漢亦會程三千餘歲因自量其齒則不過旦暮

之間于是悲憤莫勝而枯于蓬蒿之上為螻蟻所笑也今天子且拱手不能按其輕重而一匹之夫欲起而議之何異于中州之蝸為螻蟻所笑也

黔敖

黔敖齊人也齊大饑黔敖為食于路以待餓者而食之有餓者蒙袂輯屨貿貿然來黔敖左奉食右執飲曰嗟來食揚其目而視之曰予唯不食嗟來之食以至于斯也從而謝焉終不食而死

記檀弓

論曰網罟無以竭淵魚弋畢不能窮邱禽遺逸之民所以飛沈限外也箕頰之事龍門疑之然麟角龍甲物不必有取重而已



尚史卷三十七